



Broj: 02-04-26941-1/22
Sarajevo, 06.07.2022. godine

PREDSJEDAVALJUĆI SKUPŠTINE KANTONA SARAJEVO ZASTUPNICIMA SKUPŠTINE KANTONA SARAJEVO

PREDMET: Amandmani na Izmjene i dopune finansijskog plana Zavoda zdravstvenog osiguranja Kantona Sarajevo za 2022. godinu

Na **208.** vanrednoj sjednici Vlade Kantona Sarajevo održanoj **06.07.2022.** godine, a u funkciji pripreme **53.** Radne sjednice Skupštine Kantona Sarajevo, razmatrani su amandmani kluba zastupnika u Skupštini Kantona Sarajevo po materijalima koji se nalaze na dnevnom redu navedene sjednice, i to:

1. Klub zastupnika Stranke demokratske akcije u Skupštini Kantona Sarajevo,

Nakon razmatranja amandmana kluba zastupnika u Skupštini Kantona Sarajevo, Vlada Kantona Sarajevo zauzela je sljedeće

S T A V O V E

1. AMANDMANI KLUBA ZASTUPNIKA STRANKE DEMOKRATSKE AKCIJE U SKUPŠTINI KANTONA SARAJEVO

1.1. Amandmani na prijedlog Odluke o davanju saglasnosti na izmjene i dopune finansijskog plana Zavoda zdravstvenog osiguranja Kantona Sarajevo za 2022. godinu

A M A N D M A N I

Umanjuje se pozicija 613945 "Sredstva za finansiranje obaveza po Amandmanu SK za namirenje obaveza prema zdravstvenim ustanovama za prelazak 5 doktora specijalista pedijatrije JU Opća bolnica "Prim. dr. Abdulah Nakaš" i uvodi se nova pozicija "Refundacija sredstava u svrhu pružanja inovativnih metoda rehabilitacije i tretmana za djecu/osobe s poteškoćama u razvoju u Kantonu Sarajevo" u iznosu od 500.000,00 KM.

Obrazloženje:

Udruženje Colibri je u potpunosti formirano od strane roditelja djece sa poteškoćama u razvoju koji su se okupili odlučni da pomognu svojoj djeci i sebi u našem društvu. Nažalost, sistemska rješenja koja su loša, nedovoljna i neadekvatna. Posebno je to izraženo u nedostatku inovativnih, naučno dokazanih metoda u tretiranju određenih teškoća kod djece/osoba sa teškoćama.

Naime, Udruženje Colibri je jedini certificirani centar za provođenje Tomatis metode u Kantonu Sarajevo, te podrškom ovog projekta djeci s poteškoćama u razvoju se omogućava pristup ovoj inovativnoj metodi baziranoj na istraživanjima iz neuroznanosti.

Pionir u području neuroznanosti, Tomatis metoda se danas praktikuje u više od 2.000 specijaliziranih centara koji nude personalizirane seanse slušanja pomoću jedinstvene tehnologije zvane TalksUp. Tomatis metoda stimulira mozak učinkovito i prirodno. To je komplementarni pristup medicinskim i tradicionalnim terapijskim tretmanima.

Tomatis je iznimno skup metod koji na komercijalnoj bazi nije pristupačan većini građana Bosne i Hercegovine.

Kako bi neki centar pružio ovu uslugu neophodno je da nabavi odgovarajuću aparaturu, te da se osoblje educira u tom kontekstu. Aparatura i edukacija samo za prvi nivo zajedno sa licencom košta oko 7.000 EUR Svaki sljedeći nivo edukacije zahtijeva dodatna finansijska sredstva. S toga ne čudi da centri koji su uložili u licenciranje naplaćuju ovu uslugu.

Komercijalna vrijednost za jedan ciklus Tomatis tretmana koji traje 14 radnih dana košta od 700 DO 1.200 KM. Nekada je za očekivani efekat neophodno provesti i do 2 ili 3 tretmana, što korisnike dovodi u vrlo nepovoljan finansijski položaj. Također je bitno napomenuti da se tokom tretmana uporedo provode logopedске, defektološke ili fizikalne vježbe, koje korisnik nerijetko sam finansira.

Centar Colibri je jedini centar koji ovu uslugu pruža potpuno besplatno, za svakog korisnika obezbjeđuje 2 ciklusa, te uporedo pruža i ostale aktivnosti kako bi efekat tretmana bio što uspješniji.

Stav predlagača:

Amandman se ne prihvata

O b r a z l o ž e n j e

Vlada Kantona Sarajevo ne prihvata Amandman I na prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja Kantona Sarajevo za 2022. godinu, predložen od strane Kluba zastupnika SDA u Skupštini Kantona Sarajevo, iz razloga jer su sredstva za finansiranje obaveza po Amandmanu SK za namirenje obaveza prema zdravstvenim ustanovama za prelazak 5 doktora specijalista pedijataru u JU Opća bolnica „Prim. dr Abdulah Nakaš“ po amandmanu zastupnika Skupštine Kantona Sarajevo Vibora Handžića već razmatrana od strane Vlade i Skupštine Kantona Sarajevo i po tom osnovu i uvrštena u Finansijski plan Zavoda zdravstvenog osiguranja Kantona Sarajevo za 2022. godinu, te su njegov sastavni dio. Obzirom na naprijed navedeno, Vlada Kantona Sarajevo zauzima stav da bi raspravljanje i usvajanje Amandmana I značilo raspravljanje o istoj stvari dva puta.

Također, jedan od osnovnih razloga za donošenje Odluke o davanju saglasnosti na izmjene i dopune Finansijskog plana Zavoda za 2022. godinu, neposredno nakon donošenja Finansijskog plana Zavoda za 2022. godinu, je taj što su okončani pregovori između Vlade Kantona Sarajevo i predstavnika sindikata radnika u zdravstvu, te su na osnovu navedenog potpisani: Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo, Kolektivni ugovor o pravima i obavezama poslodavaca i radnika u djelatnosti medicinskih sestara i zdravstvenih tehničara svih profila i nivoa obrazovanja na teritoriji Kantona Sarajevo i Kolektivni ugovor o pravima i obavezama poslodavaca i radnika u području djelatnosti zdravstvene zaštite na području Kantona Sarajevo. Navedenim ugovorima povećana je satnica rada i novi koeficijenti složenosti poslova. Obzirom da su ovo parametri koji se koriste kod obračuna naknada za pružanje zdravstvene zaštite u javnim zdravstvenim ustanovama, bilo je potrebno izvršiti usklađivanje i korekciju istih u skladu sa novim definisanim parametrima, što je u prijedlogu Odluke o davanju saglasnosti na izmjene i dopune Finansijskog plana Zavoda za 2022. godinu i učinjeno.

Obzirom na sve naprijed navedeno, Vlada Kantona Sarajevo ne prihvata predloženi Amandman I.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

A M A N D M A N II

Umanjuje se pozicija 613943 "Deficitarne usluge zdravstvene zaštite i usluge PCR testiranja ugovorene u skladu" u iznosu 500.000,00 KM i povećava se pozicija 613944 "Lijekovi po posebnim programima" u navedenom iznosu.

Obrazloženje:

Navedena sredstva su potrebna kako bi se povećao broj pacijenata koji se liječe biološkim lijekovima.

Od septembra 2018 godine, u okviru Zavoda zdravstvenog osiguranja Kantona Sarajevo, omogućen je i projekat liječenja odraslih osoba oboljelih od upalnih reumatskih bolesti – tačnije za 35 odraslih osoba osiguranika Kantona Sarajevo - sa biološkim lijekovima, po preporuci ljekara reumatologa.

Od 2018 godine, u ZZOIR KS se od ljekara reumatologa upućuju i novi pacijenti koji po težini kliničke slike trebaju ovakvu vrstu terapije i po proceduri koju je Zavod i naložio, ali niti jedan novi bolesnik nije dobio odobrenje za liječenje sa biološkim lijekom.

Stav predlagača:

Amandman se ne prihvata

O b r a z l o ž e n j e

Vlada Kantona Sarajevo ne prihvata Amandman II na prijedlog Odluke za davanje saglasnosti izmjene i dopune Finansijskog plana Zavoda zdravstvenog osiguranja Kantona Sarajevo za 2022. godinu, predložen od strane Kluba zastupnika SDA u Skupštini Kantona Sarajevo, iz razloga jer se broj oboljelih od virusa COVID-19, prema podacima zemalja iz okruženja, ali i podacima Zavoda za javno zdravstvo Kantona Sarajevo, sakodnevno povećava što je uzrokovano u najvećoj mjeri godišnjim odmorima, te prilivom velikog broja turista u Kanton Sarajevo. S tim u vezi, epidemiološka situacija u narednom periodu je nepredvidljiva.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Skupština Kantona Sarajevo,
4. Sekretar Skupštine Kantona Sarajevo,
5. Premijer Kantona Sarajevo,
6. Evidencija,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

7. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba